



Նախագահ
Թոմաս Ա. Մոնսոն

Մեր տան մեջ — ԽՈՐՀՈՒՐԴ ՆԵՐ ՄԱՐԳԱՐԵԻՑ

Օրհնված ընտանեկան կյանք

«Երբ մենք բավականին փոքր ենք ունենում, շրջագայում ենք հեռուներում և տեսնում, թե որքան վաղանցիկ և երբեմն մակերեսային են աշխարհում շատ բաներ, մեր երախտագիտությունը մեծանում է նրա համար, որ մենք բացառիկ հնարավորությունենք՝ լինելու մաս մի բանի, ինչին կարող ենք ապավինել - տան, ընտանիքի և սիրած էակների հավատարմության: Մենք սկսում ենք գիտակցել, թե ինչ է նշանակում կապված լինել պարտականությամբ, հարգանքով, պատկանելիությամբ: Մենք սովորում ենք, որ ոչ մի բան չի կարող փոխարինել ընտանեկան կյանքի օրհնված փոխհարաբերություններին»: ¹

Կիսելով մեր սերը

«Գովեք ձեր երեխաներին, գրկեք նրանց և ավելի հաճախ ասեք. «Ես սիրում եմ քեզ»: Միշտ հայտնեք ձեր երախտագիտությունը: Երբեք թույլ մի տվեք, որ խնդրի լուծումը դառնա ավելի կարևոր, քան անձի սիրված լինելը: Ընկերները հեռանում են, երեխաները մեծանում են, սիրված էակները մահանում են: Այնքան հեշտ է ըստ արժանավունյա չգնահատել ուրիշներին, մինչև այն օրը, երբ նրանք հեռանում են մեր կյանքից, և մեզ հետ մնում են «իսկ եթե» և «եթե միայն» զգացողությունները»: . . .

Եկեք վայելենք կյանքը ապրելու ընթացքում, ուրախություն գտնենք ճանապարհորդության ընթացքում և կիսենք մեր սերը ընկերների և ընտանիքի հետ: Մի օր մեզանից յուրաքանչյուրը կկորցնի վաղվա հնարավորությունը: Եկեք չհետաձգենք այն, ինչն ամենակարևորն է:»²

Ցույց տալով մեր սերը

«Եղբայրներ, եկեք արժանապատվությամբ և հարգանքով վերաբերվենք մեր կանանց: Նրանք մեր հավերժական գուգրնկերներն են: Քույրեր, հարգեք ձեր ամուսիններին: Նրանք կարիք ունեն լավ խոսքի: Նրանք կարիք ունեն ընկերական ժպիտի: Նրանք կարիք ունեն ճշմարիտ սիրո ջերմ արտահայտության: . . .

Նրանց, ովքեր ծնողներ են, ես ասում եմ՝ սեր ցուցաբերեք ձեր երեխաների հանդեպ: Դուք գիտեք, որ սիրում եք նրանց, բայց այնպես արեք, որ նրանք նույնպես իմանան դա: Նրանք շատ թանկ են: Թող նրանք իմանան դա: Կանչեք առ մեր երկնային Հայրը օգնության համար, մինչ ամեն օր հոգում եք նրանց կարիքները և երբ խնդիրներ եք ունենում, որոնք անխուսափելի են, երբ ծնող եք լինում: Միայն ձեր սեփական իմաստությունը բավական չէ նրանց մեծացնելու համար»: ³

Արտահայտելով մեր սերը

«Ծնողներ, արտահայտեք երեխաների հանդեպ ձեր սերը: Աղոթեք նրանց համար, որպեսզի նրանք կարողանան դիմակայել աշխարհի չարիքին: Աղոթեք, որպեսզի նրանք կարողանան աճել հավատքի և վկայության մեջ: Աղոթեք, որպեսզի նրանք կարողանան ապրել բարության և ուրիշներին ծառայությամբ լի կյանքով:

Չավակներ, ձեր ծնողներին ասացեք, որ սիրում եք նրանց: Թող նրանք իմանան, թե որքան շատ եք դուք գնահատում այն ամենը, ինչ նրանք արել և շարունակում են անել ձեզ համար»:⁴

Այն, ինչն ամենակարևորն է

«Այն, ինչն ամենակարևորն է, գրեթե միշտ ներգրավում է մեր շրջապատի մարդկանց: Հաճախ մենք ենթադրում ենք, որ նրանք պետք է, որ իմանան, թե որքան շատ ենք մենք նրանց սիրում: Մակայն մենք չպիտի երբեք ենթադրենք. մենք պետք է այնպես անենք, որ նրանք իմանան: Վիլիամ Շեքսպիրը գրել է. «Չեն սիրում նրանք, ովքեր ցույց չեն տալիս իրենց սերը»: Մենք երբեք չենք զղջա ասված բարի խոսքերի կամ ցուցաբերած հոգատարության համար: Փոխարենը մենք կզղջանք, եթե նման բաները բացակայել են մեր հարաբերություններում նրանց հետ, ովքեր ամենակարևոր նշանակությունն ունեն մեզ համար»:⁵

Երկինքը մոտ բերել

«Թող մեր ընտանիքներն ու տները լցված լինեն սիրով՝ իրար հանդեպ սիրով, ավետարանի հանդեպ սիրով, մեր մերձավորների հանդեպ սիրով և մեր Փրկչի հանդեպ սիրով: Որպես արդյունք՝ երկինքը մի փոքր ավելի մոտ կլինի երկրին:

Թող որ մենք դարձնենք մեր տները ապաստաններ, ուր մեր ընտանիքի անդամները միշտ կցանկանան վերադառնալ»:⁶

Աղոթք ընտանիքների համար

«Քանի որ ընտանիքը այսօր աշխարհում գտնվում է վտանգի տակ, և երկար ժամանակ սուրբ պահված շատ բաներ ծաղրի են ենթարկվում, մենք խնդրում ենք Քեզ, մեր Հայր, հավասարազոր դարձնես մեզ այն խնդիրների հետ, որոնց հանդիպում ենք, որպեսզի մենք կարողանանք ամուր կանգնել ճշմարտության և արդարության մեջ: Թող մեր տները լինեն

խաղաղության, սիրո և հոգևոր ապաստաններ»:⁷

ՀՂՈՒՄՆԵՐ

1. "A Sanctuary from the World," *Worldwide Leadership Training Meeting*, Feb. 9, 2008, 29.
2. "Joy in the Journey" (Brigham Young University Women's Conference, May 2, 2008), <http://ce.byu.edu/cw/womensconference/archive/transcripts.cfm>.
3. «Մեծապես օրհնված», *Լիսինուս*, Մայիս 2008, 112:
4. «Մինչև նոր հանդիպում», *Լիսինուս*, Մայիս 2009, 112:
5. «Ուրախություն գտնելով ճանապարհորդության ընթացքում», *Լիսինուս*, Նոյեմբեր 2008, 86:
6. «Ապաստան աշխարհից», 30-31:
7. Գիլա Վելի Արիզոնա Տաճարի նվիրագործման աղոթք, Մայիս 23, 2010. "The Gila Valley Arizona Temple: 'Wilt Thou Hallow This House,'" *Church News*, May 29, 2010, 5:

ՈՒՍՈՒՑԱՆՈՒՄ ԱՅՍ ՈՒՂԵՐՉԻՑ

«Մտքերի փոխանակման ժամանակ ուսուցիչը ներկայացնում է մի հարց կամ իրադրություն և ուսանողներին տալիս է մի փոքր ժամանակ - ազատորեն լուծումներ կամ գաղափարներ առաջարկելու համար» (*Teaching, No Greater Call* [1999], 160): Այս հոդվածը ընտանիքի հետ կարդալիս, խնդրեք նրանց ուշադրություն դարձնել այն խորհուրդներին կամ գաղափարներին, որոնք տպավորել են իրենց: Ընտանիքի անդամները այնուհետև կարող են նոր գաղափարներ առաջարկել, որոնցով կարող են մեծացնել սերը իրենց տանը: Հրավիրեք ընտանիքին վերանայել այս գաղափարները գալիք ընտանեկան երեկոյի ժամանակ:

ԵՐԻՏԱՍԱՐԴՆԵՐ

Մայրս փրկեց մեզ

Պատրիցիա Օքսյեր

Երբ ես վեց տարեկան էի, ես և իմ փոքր քույրը դիտում էինք մեր մեծ քույրերի բասկետբոլի խաղը: Հայրս հեռացավ, և մենք որոշեցինք տուն գնալ նրա հետ, ուստի մենք անձրևի տակ վազեցինք նրա ետևից: Երբ մենք չկարողացանք նրան գտնել, մենք հետ վերադարձանք մարզասրահ, որպեսզի տուն գնալիք մեր մայրիկի հետ, բայց մինչ մենք մտանք մարզասրահ, բոլորն այնտեղից արդեն գնացել էին:

Ես հիշում եմ, թե ինչպես էի փորձում պատասպարվել ջջամուտքի մոտ, պաշտպանելով ինձ ու փոքր քրոջս անձրևից, աղոթելով, որ ինչ-որ մեկը գար: Հետո ես հիշում եմ, որ լսեցի մեր կարմիր

բեռնատարի դռան փակվելու ձայնը, և մենք վազեցինք այդ ձայնի ուղղությամբ: Այնուհետև տեղի ունեցավ իմ մանկության ամենավառ հիշողություններից մեկը. մայրս առել էր մեզ իր բազուկների մեջ, «ինչպես հավն է իր թևերի տակ հավաքում իր ճտերին» (3 Նեփի 10.4): Մայրս փրկեց մեզ, և ես երբեք ինձ ավելի ապահով չեմ զգացել, քան այդ պահին:

Երբ ես մտածում եմ ինձ վրա նրա ազդեցության մասին, տեսնում եմ, որ մորս կյանքը ուղղել է ինձ դեպի Փրկիչը և ինձ ցույց է տվել, թե ինչ է նշանակում «բարձրացրու ընկած ձեռքերը և ամրացրու սկար ծնկները» արտահայտությունը (ՎևՌԻ 81.5): Նա հույսը դնում էր Հիսուս Քրիստոսի վրա, ով տալիս էր նրան ուժ «իդ սեփականից առավել» (“Lord, I Would Follow Thee,” *Hymns*, no. 220):

ԵՐԵՒԱՆԵՐ

Կառուցել երջանիկ տուն

Նախագահ Մոնսոնը ուղիներ է առաջարկում, որոնց օգնությամբ մենք կարող ենք կառուցել երջանիկ տուն: Հողվածի մեջ որոնեք և գտեք բաներ, որոնք դուք և ձեր ընտանիքը կարող եք անել երջանիկ տուն կառուցելու համար:

Ամեն անգամ, երբ ինչ-որ բան եք գտնում, որ կարող եք անել, գրի առեք այն: Գտեք ամսվազն հինգ ուղի, որոնցով կարող եք կառուցել երջանիկ ընտանիք, և նկարեք տուն և նրա մեջ՝ ձեր ընտանիքը:

© 2011 by Intellectual Reserve, Inc. Բոլոր իրավունքները վերապահված են: Printed in USA. Անգլերենի հաստատումը. 6/10: Թարգմանության հաստատումը. 6/10: *First Presidency Message, August 2011*-ի թարգմանությունը: Armenian 09768 201



Հավատք • Ընտանիք • Սփոփանք

Սուրբ Կանանց Միություն

Ուսումնասիրեք այս կոտոր է, ինչպես հարևար է, քննարկեք այն քույրերի հետ, ում այցելում եք: Օգտագործեք հարցերը, որոնք կօգնեն ձեզ ակրացնել ձեր քույրերին և դարձնել Սփոփող Միությունը ձեր իսկ կյանքի ակտիվ մասը:

Էլիզա Ռ. Մնոուն՝ Սփոփող Միության երկրորդ գերագույն նախագահը, սովորեցրել է. «Պողոս Առաքյալը հնում խոսել է սուրբ կանանց մասին: Մեզանից յուրաքանչյուրի պարտքն է լինել սուրբ կին: Մենք պետք է ունենանք վեհ նպատակներ, եթե մենք սուրբ կանայք ենք: Մենք պետք է զգանք, որ մենք կանչված ենք կատարելու կարևոր պարտականություններ: Ոչ մեկը դրանցից ազատված չէ: Չկա ոչ մի քույր անչափ մեկուսացված և անչափ նեղ ասպարեզով, բայց այն, ինչ նա կարող է անել, մեծ նշանակություն կունենա երկրի վրա Աստծո արքայության հաստատման համար»:¹

Քույրեր, մենք մեկուսացված չենք, ո՛չ էլ՝ մեր ասպարեզն է նեղ: Ընդունելով Սփոփող Միությունում աշխատելու մեր պարզևր - մենք դառնում ենք մասը այն միության, որը Մարգարե Զոզեֆը նկարագրեց որպես «աշխարհի ամեն չարիքներից բաժանված - լավագույն, առաքինի և սուրբ»:²

Այս միությունը մեզ օգնում է ամրացնել մեր հավատքը և աճել հոգևոր առումով - տալով մեզ ղեկավարելու, ծառայելու և սովորեցնելու հնարավորություններ: Մեր ծառայության շնորհիվ մեր կյանքը գործունեության նոր լիցք է ստանում: Մենք զարգանում

ենք հոգևորապես, և պատկանելիության մեր զգացումը, անհատականությունը և ինքնարժեքը մեծանում են: Մենք գիտակցում ենք, որ ավետարանի ծրագրի ողջ նպատակն է՝ մեզ հնարավորություն տալ հասնել մեր բոլոր հնարավորություններին:

Սփոփող Միությունը մեզ օգնում է նախապատրաստվել տաճարային օրհնություններն ընդունելուն, մեր կապած ուխտերը պատվելուն և Միոնի գործին նվիրվելուն: Սփոփող Միությունը մեզ օգնում է մեծացնել մեր հավատքը և անձնական արդարությունը, ամրացնել ընտանիքները և գտնել ու օգնել նրանց, ովքեր կարիքի մեջ են:

Սփոփող Միության գործը սուրբ է, և սուրբ գործ անելը սրբություն է ստեղծում մեր մեջ:

Սիլվիա Չ. Ալրեդ, Սփոփող Միության գերագույն նախագահության առաջին խորհրդակալ:

Սուրբ գրություններից

Ելից ԺԹ.5, Մաղմոս ԻԴ.3-4, Ա Թեսաղոնիկեցիս Դ.7, Տիտոս Բ.3-4, Վարդապետություն և Ուխտեր 38.24, 46.33, 82.14, 87.8, Մովսես 7.18

Մեր պատմությունից

Խոսելով Նավուի Կանանց Սփոփող Միության մասին, Մարգարե Զոզեֆը հատուկ շեշտում

էր սրբությունը, բացատրելով, որ երբ քույրերը դառնան մաքուր և սուրբ, նրանք նկատելի ազդեցություն կունենան աշխարհի վրա: Նա բացատրում է. «Հեզություն, սեր, մաքրություն - սրանք են այն բաները, որոնք պետք է վեհացնեն ձեզ: . . . Այս Միությունը . . . զորություն կունենա վայելելու թագուհիների ներկայությունը իրենց մեջ: . . . Աշխարհի թագավորներն ու թագուհիները կզան Միոն և ցույց կտան իրենց հարգանքը»: Իրենց ուխտերով սպրող Սփոփող Միության քույրերը, վայելում են ոչ միայն ազնվական մարդկանց հարգանքը. «Եթե դուք արդարացնեք ձեր բացառիկ հնարավորությունները», ինչպես Զոզեֆը խոստացել է քույրերին, «հրեշտակները չեն կարող հետ պահվել ձեր ընկերակցությունից»:³

Երբ քույրերը մասնակցում էին ուրիշներին ծառայելու և փրկելու գործին, նրանք դառնում են անհատապես սրբագործված: Լյուսի Մակ Սմիթը - Մարգարեի մայրը, ասել է այն բարի ազդեցության մասին, որ որ Սփոփող Միությունը կարող է գործել. «Մենք պետք է փայլալայենք իրար, պահպանենք իրար, մխիթարենք իրար և հրահանգներ ստանանք, որպեսզի մենք կարողանանք միասին նստել երկնքում»:⁴

ՀՂՈՒՄՆԵՐ

1. Eliza R. Snow, "An Address," *Woman's Exponent*, Sept. 15, 1873, 62.
2. Joseph Smith, in *History of the Church*, 4:570.
3. Joseph Smith, in *History of the Church*, 4:605, 606.
4. Lucy Mack Smith, in *Relief Society, Minute Book Mar. 1842–Mar. 1844*, entry for Mar. 24, 1842, Church History Library, 18–19.

Ի՞նչ կարող եմ ես անել

1. Ինչպե՞ս եմ ես օգնում քույրերին, որոնց համար պատասխանատու եմ, զարգացնել և հասնել «վեհ նպատակների»:

2. Ի՞նչ եմ ես անում իմ կյանքը «լավագույն, առաքինի և սուրբ» դարձնելու համար:

Լրացուցիչ տեղեկության համար, այցելեք www.reliefsociety.lds.org:

© 2011 by Intellectual Reserve, Inc. Բոլոր իրավունքները վերապահված են: Printed in USA. Անգլերենի հաստատումը. 6/10: Թարգմանության հաստատումը. 6/10: *Visiting Teaching Message, August 2011*-ի թարգմանությունը: Armenian 09768 201